



**D'Youth Goals - d'Jugendziler - sinn d'Resultat vum Strukturéierten Dialog mat de Jonken 2017-18. Se spigelen d'Usichte vun de jonke Leit aus ganz Europa zeréck.**

1

## D'EU MAT DER JUGEND ZESUMMEBRÉNGEN

*D'Gefill fërderen, datt d'Jugend Deel vum europäesche Projet ass, a Brécken téschent der EU an de Jonke bauen, fir d'Vertrauen zeréckzegewannen an d'Bedelegung z'erhéijen.*

Ëmmer méi Jonker hu wéineg Vertrauen an d'EU an hu Schwieeregkeeten, der EU hir Prinzipien, hir Wärter an hiert Fonctionnement ze verstoen. Och d'Demokratiedefiziter an den EU-Prozesser sinn als e Grond fir déi zouhuelend Euroskepsis vun de jonke Leit identifizéiert ginn.

- An all de Phase vum Entscheidungsprozess an der EU eng wirkungsvoll Bedeelegung vun de jonke Leit an en Dialog sécherstellen, andeems déi bestoend Bedeelegungsmechanisme verbessert ginn an neier geschaf ginn.
- E gläichberechtigten Zougang zu qualitativ héichwäertegen, onparteiessen a jugendgerechten Informatiounen iwwert d'Fonctionnement vun der EU, d'Aart a Weis, wéi ee sech an der EU kann engagéieren an d'Méiglechkeeten, déi d'EU bitt, sécherstellen.
- D'Sensibiliséierung zum Thema Europa an EU esouwuel a formalen ewéi net formale Kontexter verstärken.
- Sécherstellen, datt all d'Memberstaaten an de politeschen an administrativen Institutiounen vun der EU fair representéiert sinn, wéi de Prinzip vun der Gläichheet vun de Staatsbierger et virgesäit.
- De Budget fir déi europäesch Jugendprogrammer erhéijen an hiren Impakt vergréisseren.
- D'Vertraue vun de jonke Leit an den EU-Projet opbauen, andeems d'Demokratiedefiziter an de Manktem un Transparenz a Visibilitéit ugeschwat gëtt.
- E festen institutionelle Kader schaffen, an deem déi politesch Decisiounen vun der EU a Saache Jugendfrëndlechkeet, Impakt a Folge fir déi Jonk bewäert ginn.

2

## GLÄICHBERECHTEGUNG VUN ALL DE GESCHLECHTER

*D'Gläichberechtigung vun all de Geschlechter a méi e geschlechtersensibelen Ëmgang an all de Liewensberäicher vun de jonke Leit sécherstellen.*

Déi geschlechtsbezunn Diskriminatioun trëfft weiderhi vill jonk Leit, virun allem jonk Fraen. D'Chancëgläichheet an e gläichen Zougang zu de Rechter muss fir all déi jonk Leit vun all de Geschlechter, dorënner och jonk net binär Mënschen an LSBTQI+-Leit, séchergestallt ginn.

- D'Diskriminatioun bekämpfen a gläich Rechter fir all d'Geschlechter an de kulturellen, politeschen, gesellschaftlechen a sozio-ekonomesche Beräicher sécherstellen.
- En universellt Bewosstsinn fir geschlechtsbezunn Ongläichheeten an Diskriminatioun schaffen, virun allem an de Medien.
- Geschlechtsbezunn Gewalt zu en Enn bréngen, andeems de Problem erkannt an an all senge Formen effikass bekämpft gëtt.
- Déi stereotypéiert Geschlechterrollebillen besäitegen a fir d'Akzeptatioun vu villsäitege Geschlechteridentitéiten am Educatiounssystem, am Familljeliewen, op der Aarbechtsplaz an an anere Liewensberäicher suergen.
- Déi strukturell geschlechtsbezunn Diskriminatioun um Aarbechtsmaart zu en Enn bréngen a gläich Rechter, e gläichen Zougang a gläich Chancë sécherstellen.
- E gläiche Salaire fir eng gläich Aarbecht an eng gerecht Verdeelung vun der Verantwortung fir d'Care-Aarbecht (Haushaltsaarbecht, Kannererzéiung a Fleeg vun den eelere Leit) sécherstellen.
- E gläichberechtigten Zougang zu der formaler an net formaler Bildung sécherstellen an den Educatiounssystem geschlechtersensibel gestalten.

## 3

## INKLUSIV GESELLSCHAFTEN

*D'Inklusioun vun all de Jonken an der Gesellschaft sécherstellen.*

En Drëttel vun de jonke Leit an Europa si vun Aarmut a gesellschaftlechem Ausschluss bedroht. Vill Jonker hu keen Zougang zu hire soziale Rechter. Vill vun hinne si weiderhin heefeg mat Diskriminatioun, Viruerteeler an Haassverbrische konfrontéiert. Nei Migratiounsbewegungen hunn och Erausforderunge vu gesellschaftlecher an integratiounspolitescher Natur mat sech bruecht. Et ass dohier vu grousser Wichtigkeet, sech dofir anzesetzen, dass all déi Jonk an Europa, besonnesch déi, déi am meeschten un de Rand gedrängt ginn an ausgeschloss sinn, hir Rechter a vollem Ëmfang kënnen gelte loosse.

- E rechtliche Schutz bidden a mat Hëllef vun internationale Rechtsinstrumenter all d'Zorte vun Diskriminatioun an Hetz bekämpfen, well déi Jonk Affer vu vilfältege Forme vun Diskriminatioun sinn.
- Dofir suergen, dass déi benodeelegte jonk Leit besser driwwer informéiert ginn, wéi eng Strukturen, Méiglechkeeten an Erfahrungen hinnen zur Verfügung stinn.
- Sécherstellen, dass all déi benodeelegte jonk Leit e gläichberechtigten Zougang zu formalen an net formale Léierëmfelder hunn, fir all d'Dimensiounen vun der Inklusioun ofzeddecken.
- D'Fäegkeet vun den Educateuren stärken, fir mat benodeelegte jonke Leit ze schaffen.
- Méi Strukturen, Méiglechkeeten, Mëttel a Programmer zur Verfügung stellen, déi den Dialog an de gesellschaftlechen Zesammenhalt fërderen an d'Diskriminatioun an d'Ausgrenzung bekämpfen.
- Déi sozial Ënnerstützung stärken, andeems d'Recht op en existenz-sécheren Loun, fair Aarbechtsbedingungen an en universellen Zougang zu enger gudder Gesondheitsversuergung verankert gëtt. Dobäi mussen gezielte Moosnamen fir d'Ënnerstützung vu benodeelegte jonke Leit ergraff ginn.
- Sécherstellen, dass déi benodeelegte jonk Leit un all den Entscheidungsprozesser deelhuele an zentral Acteuren sinn. Dëst gëllt besonnesch, wann et sech ëm hir eege Rechter, hiert Wuelbefannen an hir Interessien handelt.


## 4

## INFORMATIOUNEN A KONSTRUKTIVEN DIALOG

*E besseren Zougang zu zuverlässegen Informatiounen sécherstellen an d'Fäegkeet vu jonke Leit stärken, fir Informatiounen kritesch ze bewäerten a sech un engem participativen a konstruktiven Dialog ze bedeelegen.*

Déi Jonk hu Schwierigkeeten, d'Genauigkeit an d'Zuverlässigkeit vun den Informatiounen z'iwwerpréieren. Se mussen besser equipéiert ginn, fir sech an der Mediellandschaft erëmzefannen an um konstruktiven Dialog deelzehuelen.

- Jonk Leit befäegen, Informatiounen op eng kritesch a verantwortungsvoll Aart a Weis ze benotzen an ze produzéieren.
- Sécherstellen, dass déi jonk Leit d'Fäegkeet hunn, repetitiv irreféierend Noriichten, z'erkennen an ze signaléieren an d'Genauigkeit vun de benotzten Noriichtesourcen z'iwwerpréieren.
- Sécherstellen, dass déi Jonk an der Lag sinn, Hetz an Diskriminatioun online an offline z'erkennen an ze signaléieren.
- Sécherstellen, dass déi jonk Leit u respektvollen, toleranten a gewaltfräien Diskussiounen kënnen deelhuele.
- Sécherstellen, dass déi jonk Leit en einfachen Zougang zu verständlechen a jugendgerechten Informatiounen hunn, déi op e Verhaltenskodex a Qualitätsstandarde baséieren.
- Sécherstellen, dass d'Elteren an d'Erzéiungsberechtigt, souwéi all déi Persounen, déi sech mat der Educatioun an der Ausbildung vun de Jonke befaassen, iwwert digital Kenntnesser a Mediekompetenze verfüegen an esou eng zuverlässeg Informatiounsquell fir déi jonk Leit duerstellen.



## 5

## MENTAL GESONDHEET A WUELBEFANNEN

*Eng Verbesserung vum mentale Wuelbefannen erreechen, d'Stigmatisatioun vun de psychesche Krankheeten zu en Enn bréngen an domat déi gesellschaftlech Inklusioun vun all de Jonke fërderen.*

Eng bedeitend a klammend Zuel vu jonke Leit an Europa si besuergt iwwert déi ëmmer méi heefeg mental Gesondheitsproblemer, ewéi extreme Stress, Angscht, Depressioun an aner psychesche Krankheeten bei hiren Altersgenossen. Déi Jonk verweisen op den extreme sozialen Drock, ënner deem se hautdesdaags stinn, an äusseren d'Bedierfnis, fir eng besser psychesche Gesondheitsversuergung.

- D'Entwécklung vu Selbstbewusstsein an enger Denkweis ënnerstützen, déi manner konkurrenzorientéiert ass, an d'Wäertschätzung fir individuell Fäegkeeten a Stärken fërdert.
- D'Recht op Aarbecht a Studie fir Leit mat psychesche Krankheeten esouwuel während ewéi no hirer Erkrankung schützen, fir sécherstellen, dass se weiderhin hir Ziler kënnen verfolge.
- Eng inklusiv sektoriwwergräifend Approche am Ëmgang mat der Gesondheitsversuergung bei psycheschen Erkrankungen entwéckelen, besonnesch bei benodeelegte Gruppen.
- E qualitativ héichwäertegen Éischt-Hëllef-Training fir psychesche Erkrankungen ubidden, fir all déi-jéineg, déi berufflech mat jonke Leit ze dinn hunn, mä och fir d'Familljen an d'Frënn.
- Inklusiv, respektvoll a gutt finanziert Behandlungsméiglechkeeten zur Verfügung stellen duerch eng qualitativ héichwäerteg Gesondheitsversuergung fir psychesche Erkrankungen, déi an all de medezinesche Strukturen integréiert ass.
- De Schwéierpunkt op präventiv Moosnamen setzen, déi sécherstellen, dass déi jonk Leit iwwer d'Kenntnesser an d'Fäegkeeten, déi se fir e bessert mentaalt Wuelbefanne brauchen, verfüegen.
- Sensibilisierungsprogrammer entwéckelen, déi d'Stigmatisatioun vun de psycheschen Krankheeten bekämpfen.

## 6


## D'JUGEND AM LÄNDLECHE RAUM VIRUBRÉNGEN

*Bedéngunge schafen, déi et de Jonken erméiglechen, hiert Potential an de ländleche Géigenden z'entfalten.*

Trotz dem EU-wäiten Engagement fir d'Entwécklung vum ländleche Raum an der Tatsaach, datt 2015 bal en Drëttel vun der EU-Bevëlkerung a ländleche Géigende gelieft huet, bleiwen Ënnerscheeder tëschent den urbanen a ländleche Géigende bestoen.<sup>1</sup> Dofir ass et wichteg, d'Gläichberechtigung tëschent jonke Leit an urbanen a ländleche Géigenden ze garantéieren.

- Eng adequat Infrastruktur a ländleche Géigende sécherstellen, fir eng gerecht Bereetstellung vun öffentlechen Déngschter, Internetverbindungen a Wunnméiglechkeete fir jonk Leit ze garantéieren.
- Sécherstellen, datt nohalteg an héichwäerteg Aarbechtsplaze fir déi Jonk am ländleche Raum geschaf ginn.
- Sécherstellen, datt verschidden Aktivitéite vun, fir a mat jonke Leit dezentraliséiert ginn, fir datt dës
- Inklusioun vun de Jonke fërderen an de lokale Gemeinschaften zegutt kommen.
- Sécherstellen, datt déi Jonk an de ländleche Géigenden aktiv un den Entscheidungsprozesser bedeelegt sinn.
- Sécherstellen, datt déi Jonk an de ländleche Géigenden e gläichberechtigten Zougang zu enger héichwäerteger Educatioun hunn.
- E positivt Bild vum ländleche Raum schafen.

- D'Bestoebleiwe vun de ländlechen Traditioune sécherstellen.
- <sup>1</sup>) [http://ec.europa.eu/eurostat/statistics-explained/index.php/Statistics\\_on\\_rural\\_areas\\_in\\_the\\_EU](http://ec.europa.eu/eurostat/statistics-explained/index.php/Statistics_on_rural_areas_in_the_EU)



## 7

## ENG HÉICHWÄERTEG AARBECHTSPLAZ FIR JIDDWEREEN

*En Zougang zum Aarbechtsmarché sécherstellen a Méiglechkeete schafen, déi zu enger qualitativ héichwäerteger Aarbecht fir all déi jonk Leit féieren.*

Déi Jonk leiden ënner héijer Jugendarbeitslosigkeit, prekären Aarbechtsbedéngungen an Ausbeutung, souwéi ënner Diskriminatioun um Aarbechtsmarché an op der Aarbechtsplaz. De Jonke feelt et un Informatiounen a passende Fäegkeeten, fir eng zukünfteg Beschäftigung an eng komplett Integratioun um Aarbechtsmarché. Dofir mussen Moosnamen ergraff ginn, déi eng qualitativ héichwäerteg Aarbechtsplaz fir jiddweree garantéieren.

- Qualitativ héichwäerteg Aarbechtsplaze schafen, déi fair Aarbechtsbedéngungen, Aarbechtsrechter an d'Recht op en existenzséchere Loun fir all déi Jonk garantéieren.
- De Sozialschutz an d'Gesondheitsversuergung fir all déi jonk Aarbechter sécheren.
- Eng fair Behandlung a Chancëgläicheit fir all déi Jonk garantéieren, fir d'Diskriminatioun um Aarbechtsmarché zu en Enn ze bréngen.
- Sécherstellen, datt all déi Jonk déiselwecht Chancen hunn, déi
- noutwenneg Fäegkeeten z'entwéckelen a praktesch Erfahrungen ze sammelen, fir den Iwwergang vun der Schoul op den Aarbechtsmarché z'erliichten.
- Garantéieren, datt d'Kompetenzen, déi duerch Stagen, Léierplazen an aner Forme vum Léieren, déi op d'Schaffe berouen, d'Fräiwëllegenaarbecht an déi net formal Bildung ugëeegent ginn, unerkannt an attestéiert ginn.
- Sécherstellen, datt déi jonk Leit an d'Jugendorganisatiounen bei der Entwécklung, der Ausféierung, dem

Suivi an der Evaluatioun vu Beschäftigungspolitesche Moosnamen op all den Niveauen als gläichberechtigten Partner bedeelegt ginn.

- E gläichberechtigten Zougang zu qualitativ héichwäertegen Informatiounen an adequaten Ënnerstützungsmechanisme sécherstellen, fir déi Jonk fir den Aarbechtsmarché am Wandel an déi zukünfteg Beschäftigung virzubereeden.

## 8

## QUALITATIV HÉICHWÄERTEG LÉIERMÉIGLECHKEETEN

*Verschiede Forme vum Léieren zesummeféieren a verbessern, fir déi jonk Leit fir d'Erausfuergung vun enger Gesellschaft am 21. Joerhonnert, déi am stännege Wandel ass, fit ze maachen.*

D'Bildung bleift e Schlësselement fir déi aktiv Citoyennetéit, eng inklusiv Gesellschaft an d'Employabilitéit. Dofir mussen mir eis Visioun vun der Educatioun fir dat 21. Joerhonnert erweideren an eis méi op déi iwwerdrobar Fäegkeeten, e schülerorientéiert Léieren an déi net formal Bildung konzentrieren, fir e wierklech gläichberechtigten an universellen Zougang zu qualitativ héichwäertegen Léierméiglechkeeten z'erreechen.

- En universellen a gläichberechtigten Zougang zu enger qualitativ héichwäerteger Educatioun an dem Lifelong learning garantéieren.
- Sécherstellen, datt all déi Jonk Zougang zu enger adequat finanzéierter net formaler Bildung op all den Niveauen hunn an dës unerkannt an attestéiert gëtt.
- En oppent Denke fërderen an d'Entwécklung vun zwëschemenschlechen an interkulturelle Fäegkeeten ënnerstützen.
- Op all den Niveauen vum Educatiounssystem schülerzentriert Methoden, déi méi perséinlech, participativ a kooperativ ausgeriicht sinn, schafen an asetzen.
- Sécherstellen, datt den Educatiounssystem all de Jonke Liewenskompetenze vermëttelt, wéi beispillsweis den Ëmgang mat de Suen an d'Gesondheitszerzéiung, dorënner och Informatiounen iwwer déi sexuell oder reproduktiv Gesondheet.
- Esouwuel a formalen ewéi net formale Léierëmfelder Methoden

abannen, déi dem Apprenant et erméiglechen, perséinlech Kompetenzen z'entwéckelen, wéi z.B. dat kritescht an analytescht Denken, d'Kreativitéit an d'Fäegkeet, ze léieren.

- Sécherstellen, datt déi Jonk Zougang zu enger politescher Bildung hunn, déi hinnen en zolidd Wëssen iwwer politesch Systemer, Demokratie a Mënscherechter vermëttelt, och duerch de gesellschaftlechen Engagement, fir esou eng aktiv Citoyennetéit ze fërderen.

## RAUM A PARTICIPATIOUN FIR JIDDWEREEN

*Déi demokratesch Bedelegung an d'Autonomie vun de Jonke stärke an eege Jugendstrukturen an all de Sphäre vun der Gesellschaft zur Verfügung stellen.*

Déi Jonk sinn an den Entscheidungsprozesser, déi si betreffen, net genuch vertraueden, obwuel hiert Engagement vu grousser Wichtigkeit fir d'Demokratie ass. Si brauchen Zougang zu hiren eegene Raimlechkeeten an hire Gemeinschaften, fir datt hir perséinlech, kulturell a politesch Entwécklung geféiert gëtt.

- Sécherstellen, datt déi Jonk all déi gesellschaftlech Beräicher an all d'Niveaue vum Entscheidungsprozess op eng adequat Aart a Weis kënnen beaflossen, fir datt déi politesch Moosnamen de Bedierfnesser vun de Jonken entsprechen – ugefaange beim Festleeën vun den Diskussiounspunkten, bis hin zur Ëmsetzung, dem Suivi an der Evaluatioun mat Hëllef vu jugendgerechten an zugängleche Prozeduren a Strukturen.
- Sécherstellen, datt all déi Jonk, onofhängeg vun hirem sozialen Hannergrond, e gläichberechtigten Zougang zu den alldeeglechen Entscheidungsprozesser hunn.

- D'Jugendbedelegung erhéijen an domat fir eng gläichberechtigt Representatioun vun de Jonke bei de Wale suergen, esouwuel a gewielte Gremien ewéi an aneren Entscheidungsgrémien op all den Niveaue vun der Gesellschaft.
- Jugendstrukturen – also Raimlechkeeten an Infrastrukturen, déi vu Jonken an eegener Verantwortung geféiert ginn – bereetstellen. Dës zeechne sech doduerch aus, datt se onofhängeg, open a sécher sinn a jidderengem Zougang awer och professionell Ënnerstëtzung bei der eegener Entwécklung a Méiglechkeete fir d'Jugendbedelegung bidden.
- Sécherstellen, datt all jonke Mënsch

Zougang zu sécherer virtuelle Jugendstrukturen huet, an domat zu Informatiounen a Servicer, awer och zu Méiglechkeete vun der Jugendbedelegung.

Eng nohalteg Finanzéierung, eng allgemeng Unerkennung an d'Entwécklung vun enger qualitativ héichwäerteger Jugendaarbecht sécherstellen, fir d'Jugendorganisatiounen an hir Roll bei der Inklusioun, der Bedelegung an der net formaler Bildung ze stärke.

Jugendgerecht, pertinent an ëmfaassend Informatiounen bereetstellen, déi vun a mat Jugendlecher entwéckelt ginn, fir d'Jugendbedelegung z'erméiglechen.

## 10 EN NOHALTEG, GRÉNGT EUROPA

*Eng Gesellschaft schafen, an där all déi Jonk sech fir d'Ëmwelt engagéieren, gebilt an an der Lag sinn, positiv Entwécklungen an hirem alldeegleche Liewe bäizedroen.*

Mir verbrauchen hautdesdaags Ressourcen an engem Mooss, dat d'Ëmwelt net verkraft kann. D'Gesellschaft muss handeln, fir de Klimawissel an déi ëmmer méi heefeg Ëmweltproblemer ze bekämpfen. Mä eis Gesellschaft ka kee Problem bekämpfen, dee se net bereet ass, unzërkennen. Dofir muss jiddwereen - an dorënner och déi Jonk - Verantwortung fir säin Handeln a fir deem seng Auswierkungen op d'Liewe vun den nächste Generatiounen iwwerhuelen. Nohalteg ginn ass kee Choix, mä eng Noutwennegkeet.

- Sécherstellen, datt jiddwereen - an dorënner och déi Jonk - versteet, wéi eng Auswierkung säin Handeln op d'Ëmwelt huet.
- Déi ganz Gesellschaft, a besonnesch déi Jonk, befäegen, als Acteure vum Wandel fir eng ëmweltgerecht an nohalteg Entwécklung ze wierken.
- Bei all politescher Moosnam a Liewensentscheidung berücksichtigen, wéi eng Auswierkung se op d'Ëmwelt hunn, an dobäi sécherstellen, datt déi Jonk op all den

- Niveaue an d'Entscheidung iwwer eng nohalteg Ëmweltpolitik abezu ginn.
- Déi international Zesummarbecht verstärken, fir eng ëmweltschiedlech Produktioun a Consummatioun ze besäitegen.
- Méiglechkeeten, wou déi Jonk sech kënnen am Ëmweltberäich engagéieren, féerden a stärke.
- Sécherstellen, datt jiddwereen, besonnesch déi Jonk, Zougang zu enger ëmweltgerechter

Infrastruktur hunn, fir eng méi nohalteg Liewensweis kënnen z'entwéckelen.

- D'Fuerschung an d'Entwécklung am Beräich vun den ëmweltfrëndleche Léisungen an Technologie verdéiwen.



## JUGENDORGANISATIOUNEN AN EUROPÄESCH PROGRAMMER

*E gläichberechtigten Zougang fir all déi Jonk zu Jugendorganisatiounen an europäesche Programmer sécherstellen, fir eng Gesellschaft ze schafen, déi op europäesch Wäerter an eng europäesch Identitéit fondéiert.*

Iwwer Jugendorganisatiounen an europäesch Programmer gi Milliounen jonk Leit an hiren aktiver Citoyennetéit an der Entwécklung vun hire Liewenskompetenze geféiert. Trotzdem feelt et de Jugendorganisatiounen an den europäesche Jugendprogrammer weiderhin u finanzielle Mëttel, Unerkennung an Zougänglechkeet.

- Sécherstellen, datt d'Jugendorganisatiounen an déi europäesch Jugendprogrammer all de jonke Leit bekannt sinn a qualitativ héichwäerteg Informatiounen doriwwer zur Verfügung stellen.
- Sécherstellen, datt d'Jugendorganisatiounen genuch Mëttel vun EU-Programmer kréien, fir Projeten z'entwéckelen an Zougang zu enger struktureller Ënnerstëtzung ze kréien, fir hir Aufgaben z'erfëllen an hir Aarbecht z'ënnerstëtzen.
- Sécherstellen, datt d'Jugendorg-

- anisatiounen an déi europäesch Jugendprogrammer besser mam Educatiounssystem vernetzt ginn an unerkennen, datt se dozou bäidroen, eng aktiv Citoyennetéit a Liewenskompetenzen ze féerden.
- Den Zougang zu europäesche Jugendprogrammer verbessern, fir e jugendgerechte Verwaltungsprozess suergen an eng Ënnerstëtzung a qualitativ héichwäerteg Informatiounen fir all d'Participanten an d'Kandidate bidden.
- Déi benodelegt jonk Leit usprechen a se dobäi ënnerstëtzen, a Jugend-

- organisatiounen, fir Jugendgruppen an europäesch Jugendprogrammer aktiv ze ginn.
- Déi finanziell Mëttel erhéijen an d'Verféieren vun de Bourssen an de Spektrum vun Initiativen, déi fir Jugendorganisatiounen a Jugendgruppen a Fro kommen, erweideren.
- Sécherstellen, datt déi Jonk un de Prozesser bedeelegt sinn, déi doriwwer entscheeden, wéi déi europäesch Jugendprogrammer gehandhaabt ginn.